

崇百藥齋續集

崇百藥齋續集目錄

卷一 詩一 箏柱集

卷二 詩二 香適集

卷三 賦序書後贈序書雜記

卷四 銘贊書事墓誌壙誌權厝誌哀辭行狀祭文

前劉潁州爲僕刻詩文二十卷值多遽恩恩未暇審
定觸處追悔久以破甑置之道光辛巳壬午癸未三
年又得四萬言及門徐漢蒼蔡邦紱盛朝傑束大鏞
李汝琦李汝璵趙對澂趙彥倫虞毓芳王應銘黃承
谷李鴻圖復請醵貲刊版而潁州已先朝露并不及
欣賞矣歲月易得業不加進媿負亡友長此悵悵如

何如何梓成諸生來索序漫書數字付之焉逢涖灘
之歲穀雨前五日修平居士識

崇百藥齋續集第一

陽湖陸繼輅祁孫

箏柱集

辛巳
壬午

祝二百五將自無爲來郡詩以遲之

浮生知幾何一別已七載黃塵浩茫茫朱顏得毋改外
慕固云盡內省恐俱怠回憶相逢初銳意副期待如何
志士懷徒滋盛年悔離索古所悲時命豈足委庶幾同
巢禽類羽振文采

送春次劉大令韵

啼鶯四五是離聲祖帳年年畫不成照影全沈天上月
分香幾許病中情何曾燕子能銜去漫與楊花約再生

一角闌干閒凭處朝來已自少人行

如此華年委逝波人間合唱武夷歌已揀好夢連宵斷
剩有閒愁似草多拾翠長堤弓屐淺墮釵雙枕鬢雲磨
也知無計堪消夏聊與商量製芰荷

禪榻歡筵總莫論心情那更似前番陰陰濃綠偏催暝
黯黯餘魂在合昏望去空江天有路照殘青鬢鏡無痕
元池自是雙棲慣也覺尊前語不溫

黃梅玉茗記年時誤報歸期是柳絲小劫難消僊壽短
餘恩猶在草心知十重簾押人千里一道裙腰路兩岐
我本關山遊倦客不堪重續斷腸詞

病中遣悶再和送春

閒宵聽雨似秋聲纔識春來恨已成別我更無言可贈
戀人翻覺病多情爲誰儘力催雙鬢幾度傷心了一生
只有森然道旁柳年年同到不同行

簾櫳竟日委湘波誰與歡聞續豔歌才子正宜埋玉早
美人自古捧心多草連天遠家何在月到花殘鏡不磨
見說買伊元有價橫塘空自長新荷

人間何處覓殘魂綠暗紅稀又一番尙覺清和憐首夏
能容沉醉是黃昏花憑畫錦翻新樣淚與秋衫染舊痕
卻憶老梅寒徹骨不從飛絮泣奇溫

瑤池清淺記來時照見飛瓊鬢有絲歲紀八千終大去
月當三五可前知不成仙實花雙蒂差慰秋心麥兩岐

炙硯薰爐聊護取寒宵更賦送窮詞

附元作

劉珊海樹

破曉流鶯剩一聲綠陰如夢恨初成儘催杜宇歸何處畱得青山去有情小住不嫌三月久回頭尙戀百花生上河圖裏人多少寶馬香車似水行

三五華年送綠波錢塘陌上有人歌出門西笑天無路祖帳東風酒不多夜雨樓臺空悵惘夕陽闌角忍消磨合歡最好鴛鴦睡悔未畱看貼水荷

天涯何處不消魂花信從過廿四番繾綣餘恩惟穀雨別離終古此黃昏櫻桃時節成歸計柳絮河橋寫夢痕我是司香舊僊尉東君臨去語猶溫

江南江北熟梅時別有愁心上鬢絲逆旅光陰千樹
合去來蹤蹟萬花知不因風雨羈行李肯爲淒涼怨
路岐一片茫茫芳草斷樽前誰唱鷓鴣詞

又附和作

楊方訓子濤

金鈴十萬總無聲預擬歡悰半未成惜別祇應花有
淚傷心翻覺草多情莫言去住渾無主豈爲飄零怨
此生已是頽陽畱不得杜鵑何苦又催行

客裏光陰感逝波無端又此聽驪歌翻嫌社鼓催花
早剩有楊枝惹恨多紅雨尙餘窗外影朱顏慵對鏡
新磨何心更訂尋芳約空向橫塘課蒔荷

處處樓臺皆斷魂依稀蹤蹟似前番不知風雨歸何

許偏是清和日易昏榆莢辦裝知有幾畫船載夢去
無痕可容南浦分襟地重博臨岐一笑溫

婪尾相看已後時春人鬢影易成絲重來尙有梅花
約此恨惟應燕子知濃綠成陰悲杜牧愁紅如雨悵
溫岐一年一度銷魂別幾許人間黃絹詞

題趙秀才

對激

冀北送春圖

朝來正賦送春篇

適和海樹送春詩

何處春歸不可憐我在江

南君冀北不知春去定誰邊

病榻懷人之作

棖觸平生夢三條蠟淚殘清餘前度酒香惜過時蘭桃
李成陰易蘅苓入籠難一麾仍小試冰鑑若爲看

畫水司馬

再權廬州
皆值試士

憶昔論交日江鄉正此時虛名齊沈宋豔福謝郊祁溫

飽誠非願頭顱各自知一般量玉尺目送使星移方助

廬州校
閱試卷

不以投荒遠那知遺愛深戍衣慈母綫行李故人金海謂

樹陽羨田何有離騷韻久沈

至尊憐反哺萬目望歸禽陳白雲司馬有軍臺之役部民方代謀贖罪

自抱幽憂疾頻勞長者車畫水叔翹亦山繡峯海樹梅塢子香諸君俱至榻前問疾

夢中仍子舍連夕夢侍太孺人言笑如平生畫裏見吾廬李寶之見新

月重窺戶兼旬已廢書劉郎最堪羨春酒隔年儲時孟塗以

母夫人壽辰
暫歸省覲

縹雲無恙在點石少還丹

梅史以宣城款項畱會城學三年矣縹雲查氏園中石

道才人老毀家循吏難潮聲寒到枕竹影暮憑欄鎮有

閒居樂先從畫裏看

謂君所作
箕谷圖

書來盈百幅人去已三秋邨上見文度胸中有大裘頻

煩詢健在遙與共離憂安得君爲弟平生一子由

陳伯游

我到平梁晚逢人問使君爲言前令尹無愧故將軍

前合

肥令白敬庵秋齋協鎮丈仲子協鎮今祀江南名宦祠

籬畔書聲近庭前樹色分

先君子與協鎮先後受知桂林陳文恭公交相善官常州時官廨與余家僅隔一牆

鮮民重話舊

清淚各紛紛

種松三十萬此樂本非常蜚語君何病浮生事可傷眼

青期阮籍耳白誤歐陽我亦憂讒者頻年戒酒狂

張少伯

憂旱

戊日逢申又放晴可憐萬戶望雲情
陽烏漸有偈人意拙鳥更無逐婦聲
病惜卑官真戀棧老資微祿敢忘耕
初元聖澤周天下未必方隅旱獨成

喜雨簡劉大令

颯颯芭蕉葉上聲病夫傾耳聽分明
逢君小艇江干路着我輕簑隴畔行
非玉非珠需最急一花一草態全生
兼旬未啟閒窗看紅蓼青蒲已滿庭

雨止

雨聲剛及一詩成片刻遙山又放晴
習坎尙期原筮吉橫窗怕見夕陽明
卑官但擬同飢渴造物真難識性情

萬戶望雲無夢寐敢辭病眼對孤檠

薛廬州再過問疾口占報謝

又報高軒過葦門連朝再接笑言溫春波最是閒鷗覺

夏日難忘房馬恩

學舍苦熱君為搭棚院中

直以醇醪蘇病骨親攜

明鏡照愁痕勸君暫抑蓴鱸意旦晚循聲達

至尊

時大計上考

簡劉泗州

珊

次前韻

芳草閒庭鎮掩門乍看顏色玉同溫文因君賞思傳世

病有人知似受恩酒未臨岐先化淚

時君將赴新任

刀從斷水

不畱痕故人五字魂消極盼殺招涼共一尊

謂孟塗

得董校理書卻寄

今我不樂思舊游故人衣袂如浮邱夢中髣髴見圖畫
曉日正照銅龍樓樓頭雙成最傷別一雁翩然下天末
雛鸞么鳳飛入雲惜我幽居抱仙骨秋蟲促織禽催耕
世閒何物堪虛生玉虬未奉行雨敕迎風化作雙娉婷
一徵璣宮佐織女一畱寒閨宵顧杵莫言縑素不相如
萬縷從看兩心苦誰尾自短銀河長欲往送之渡無梁
珠簾詖蕩開天閭雲輶閒關低復昂淖湖之水秋汪洋
倒影飄落湖中央湖中有鳥名鴛鴦錦翼雖倦成文章
待君築室笠澤旁我持作贊登君堂

附來詩

董國華琴涵

涪翁早從天上游玉父奄忽歸山邱

謂仲則稚存兩先生劍南

才豪出稍晚奇氣突過元龍樓耽吟不知飯顆瘦放
筆直使滄溟愁胸中鬱鬱賈生策局外默默杞人憂
春官屢上不見收摧撞自廢歌歸休宛邱先生真我
儔苜蓿味勝天厨羞濡須江水碧玉流菰烟蘆雪招
閒鷗禮堂清雅頌絃暇抱琴挈榼行且謳白衣使者
致秫酒青袍弟子供脯脩昌黎四門當代重鄭虔三
絕高名畱官無高卑在盡職一命責亦同公侯人才
教育始校序房杜當就河汾求能行我意用我法豈
必肘印兼前轡昨來相訪不得見我正負土悲松楸
白雲溪上過君別君又先放灤湖舟雲龍蹤跡竟難
合如溝水判東西頭何時蝦菜訂歸計昇爾長嘯江

天秋

得盛同年 大士 書並前題宣南話舊圖詩作此報

謝

斑斑清淚漬瑤箋記得徵詩是別筵夢裏樓臺全潑墨
畫中草樹半生煙游僊劫短星沈海禮佛人歸月上弦
芍藥櫻桃零落盡未須我輩惜彫年

贈史山人

臺懋

平梁一詩人寒瘦若古木蕭齋着此客覺我亦非俗
不緣君共坐那知今日閒褰帘指殘菊孤影待君看

爲蔡四

昌齡

題畫

何人花外叱烏犍珍重江南二月天觸我歸心畱不住

一犁春雨畫中田

許二 所望 說劒圖

紅綾侍婢崑崙奴朱顏妮嬖連蜷鬚太阿在手腰湛盧
中擁一人清且臞非僊非佛亦非儒不仕不隱胡爲乎
束髮讀書好陰符弟畜彬美師孫吳時清政肅無荏蒲
上方嚮用賈董徒君持此器將安沽蹉跎不覺五十餘
蕭然家無擔石儲老兵惡少紛前趨監門賣漿雜狗屠
袒衣列坐歌嗚嗚痛飲大嚼牛羊猪前年衛滑虎負嵎
此老實佐撫部胡果泉中丞賊來入境如入爐繩穿索縛連
雞鳧事定忽忽思吾廬依然識字耕田夫喚婢織縑奴
種蔬毀劒鑄作犁與鋤與我相逢在濡須譚次示我說

劒圖圖縱尺五牛腰麤薛華畫水李白申耆相嗟吁陳

登伯游陸遜劭文同周瑜伯恬欬唾爭落風前珠我時

展閱寒檠孤劒光如月射兩噓勿惜寶物淪泥塗天寶
完汝七尺軀豹皮馬革真大愚浮閣山高瞰瀛湖攜琴
一張酒一壺我醉與子遊華胥華胥縹緲雲作郭亦有
劒俠兼名姝但無寵辱無榮枯盍歸乎來白日徂五十
豈不知頭顱

選詩行簡趙孝廉席珍夏秀才雲李明經宗白徐

徵士漢蒼盧明經先駱並寄李嚴州春黃秀才承

谷趙秀才對敬

詩拙轉厭多詩工不嫌少苦思冥索通神明俊語寥寥

落雲表唐人詩最多長慶白與元旗亭一絕句亦復千
秋傳宋人詩最多吾家渭南伯超超百數篇我愛姜白
石合肥詩人領袖誰前龔後李肩相隨尙書盤盤才較
大次韻五言疑可汰因知詩好不貴多蘭發一花真絕
代我閒無事欲選詩引年卻疾此最宜諸君愛我競持
贈已覺五日忘朝飢序詩但序齒周子大槐龍頭趙彥倫

龍尾好詩非好名未許妻孥喻悲喜我年十一私塗

鴉叢殘舊稿紛如麻南城

曾中丞

師事惲生

敬

友揀金一

再勞披沙劉郎

珊

所錄尙千首詎免俗豔矜春華諸君

努力爭千古無定升沈何足數老我空懷說士甘賞音
略識良工苦東望灤湖感逝湍梅花消息殢春寒一編

淝水蘭言錄便作詞科薦牘看

夏秀才

雲持詩集索序代之以詩

我初渡江來求友左廉訪

輔

報書寥寥只一人已望浮

槎動遙想廣文到官一事無出門不待呼肩輿啟門如

雷久始應知汝歲暮仍飢驅君家東頭兩佳士我識長

徐兼短史徵詩索茗屢過從見汝雙扉扃不啟雙扉雖

掩春能來隔牆兩度梅花開今年始共花下飲詩格如

花亦仙品獨憐病骨太清臞梅自橫陳人獨寢德清司

馬

陳郡丞

賦久抱疴愛爾詩好還高歌前追詠懷後感遇我

信斯言異虛譽試看雜興五十篇端毅集中無此句我

初縱筆爲歌行頗向流輩夸吟狂後來稍窺五言秘欲

與陶謝參翱翔君今此體天下少慎勿見異趨名場此

邦好士劉

前合肥大令珊

與薛

前權廬州太守王堂

知爾未深偏易別嗟

我平生一片心空詠緇衣寄騷屑病緒經春各自知鬢
絲禪榻費支持頻移瀟灑臨風影慰我淒清聽雨時

爲盧明經

先駱

點定詩集因題卷端

盧郎才思通銀河清辭麗句刪逾多一燈微吟夜將半
窗外碧月流寒波三千餘字頤園賦燦若銀花閒瓊樹
何止嘉名壓駱丞足使王楊同卻步自古才人易感秋
石城涼雨送歸舟左車電灑生前淚晉相瘍生夢裏頭
君以病疽未及鄉試天遣工詩窮不死籬菊花殘人病起夙世難
消六代愁新編乍貴三都紙君近刻竹枝百首我到平梁訪灰

勤傾心第一倚樓人還從城北邀詞客重與江南賦冶

春

謂趙孝廉席珍
徐徵士漢蒼

趙孝廉

席珍

詩集題後

一卷詩應冠五城直從東晉接西京十年劒氣銷將盡
三疊琴心道欲成悟後火雲都化碧閒中水月鎮雙清
便圖作佛尋常事遲我吟壇聽梵聲

贈李徵士

宗白

孝廉之徵李生可我言於衆皆云宜君聞逃避不我卽
三月索處灤湖湄我知一字傷君意觸我同揮鮮民涕
鮮民顯揚雖後時四十應爲致身計韓公好士天下無
謂前合肥令
劉海樹刺史徒步徑訪盧仝居打門未敢役軍吏恐復

驚爾門前鳬沼沼萬言意未竭力折君心如折鐵漫憶
原嘗賦感知居然主客成雙絕我向浮槎獨舉杯野雲
滾滾出山來盛時底事占蜚遯異等何人重茂才吾家
小阮辭徵切耀通我痛兄亾兼嫂節爲臚事狀上中丞
信我公言非曲筆光範門下三上書吾儕自命當何如
其言不讓固堪哂抱器終老寧非迂蕩蕩天衢待翔泊
雅知不負尊前諾愧我猶分博士羊如君豈是羊公鶴
頻年比屋聽吟聲目斷春江送遠行奪我東都溫處士
一燈話別不勝情

示良勝兌貞

木蘭替耶征緹縈代父死庸行汝勿驚彼亦人子耳汝

曹頗知書垂髻受曲禮奈何定省節亦漸涉懈弛阿大
貪弄兒阿三常晏起我偶入中閨欲言已屢止汝母獨
操作出入無停趾於汝心安乎徒知母恩恃他日遣汝
歸事姑亦如此失教誰之咎習勤自今始

親年今始衰去日亦已多中夜忽念及怵惕當如何承
歡貴及早轉眼成蹉跎秋衣合裝緜勿俟長夏過夕膳
宜加羞勿俟日影殢我昔事大母罪愆積嵯峨責報乃
太奢恐遭神鬼訶雖然前車鑒告汝非煩苛異時風不
寧涕淚空滂沱

阿聰年十四負荷恐弗勝西華愴葛帔不言心屢驚他
年姪從姑猶冀通遺經意外或舉子齒弱逾伶仃女兒

慎保護庶望得長成子女可重育弟姪難再生以此報
罔極差足慰九京吾衰復多病後事常填膺灑淚示此
詩非箴亦非銘出入一省視孝思可以興

程同年

定謨

官廬江學博士書來羨郡城譚燕之

樂作此答之用坡公送呂希道知和州韻

淒淒落月照屋梁茗茗衰草橫斜陽與君咫尺不相見
何異蜀道連羊腸此邦之人休憂患奇字空與搜凡將

悶來徑欲拂衣走且攜杯酒澆周郎

公瑾墓在廬江

我今所得

固應勝勝侶入座含珠光昨來嫁女故鄉去歸心暗逐

風帆張

謂劉合肥

若持寒氈較墨綬嗟彼去住逾徬徨程生

少安慎毋躁行與笠澤浮汪洋

答劉大

嗣富

用坡公送劉景文韻

時劉客宿州

山妻煮粥來相呼曉日已射庭西隅冷官習惰恣偃仰
且未汲汲求文無小兒德祖大文舉兄事袁盎弟灌夫
當時少年十數輩醉行欲喚長娥扶牽雲曳雪夜苦短
攬鏡訝此鬢鬢鬚展君尺素笑絕倒肉糜可食寧非迂
黃塵徒步走京洛見慣油碧飄流蘇負薪衣錦隨所遇
豈可空谷無名姝茆檐曝羽雀聲樂不暇枯菀歌吾吾
題詩報君博軒渠春暖就我浮灤湖

記客譚用坡公上巳日與二三子出游韻

鴛湖釣師錢岱雨初白詩孫字梅塢蕭齋着此兩佳客
何物病魔余敢侮恰逢調水初入城不覺頽陽過卓午

爲言寒夜坐岑寂欲喚飛僊相爾汝試趁殘香寶鴨溫

果見盤沙瘦蛟舞肯隨靈素鬪荒幻只許初成共仰頰

凡僊林氏兄弟邇來偶逐過江雲小駐浮閣作山主幾人白髮

誤丹砂差免朱顏委黃土此時二子逸思生便擬茆庵

築荒圃異時我主蔡中郎浣霞本是麻姑降臨所阿咸

偷習詒癡符香延頃刻西山下毛女女僊數輩自言西

分明皓腕運纖毫恍隔冰綃聽軟語自云草草整堆雅

知否月明青鎖下有人竟遣亭亭玩眉嫵有自稱紫府

小立整堆雅亂仙句也竟遣亭亭玩眉嫵尚衣者香延

嘗夢見之秋風吹我渡桑乾回首舊游如玉宇意而猶自戀

芹泥爰居幸不聞鐘鼓兼旬臥疴方啟關急景彫年已

如許何當從君學沖舉快脫樊籠拘繫苦西鄰劉郎亦

僊宗

海樹

誅蕩天門定無阻祇愁難覓辟穀方君家綢

雲豈堪煑

綢雲查氏園中石

嗒然坐對無可言客去詩成渾漫

與

錢太守冬夜不寐得風欺燈影綠依人之句足成

一絕

病緒鄉思自轉輪風欺燈影綠依人不知幾許如椽燭
半照修書半作薪

余十三

鼎

寄古鏡銘拓本裴治竟題二十八字

縮本迴環續楚詞逐臣棄婦兩誰知天涯我亦離人影
怕攬菱花照鬢絲

寄舍姪西安用坡公臘日游孤山韻

去冬送我浮淩湖入關十月一字無夜來相見甫執手
清夢一失難追呼我窮於世罪及孥幸有德耀無清娛
一官且欲息勞喘攜家敢怨客路紆三閭茅屋博士廬
坐對鄉物寒輪孤宛然深山一蕭寺但愧入饌非伊蒲
長官寬大容我嬾有時入謁日已晡浮生何事耿胸臆
終恨別汝非良圖吾生壬辰汝辛卯知非應已如衛蘧
曷不早歸就我共檐曝此景他日宜有丹青摹

聞蔣大

因培

罷齊河令

遙聞一語罷官回此日江鄉正放梅譽不可偏而敢毀
世皆欲殺我憐才也知久住終何補若果能歸豈待催
除是諸生相習久臨岐或有淚盈杯

寄韓處士用坡公西湖懷歐陽叔弼韻

亦山別我去對雪嬾舉觴雪晴一屈指始覺別日長水
凍莫愁湖泥滑雨花岡蕭蕭白下門并少木葉黃何哉
久淹留爲歡豈未央曷不翩然來共此寒梅香我有新
賦詩音調參伊涼或能愈頭風不減陳孔璋君方病溼馳書
促揚帆前約不可忘

夢君素

淺土拋兒臥他鄉省父行何恩稱罔極此恨盡餘生大
母歡如昨君姑痛未平頻年別來意欲訴各吞聲

再寄韓處士用坡公百步洪韻

少年下筆如春波綺麗欲奪織女梭疾書差掩苦吟跡

一字不厭千回磨年來才盡氣亦放坦率且欲師東坡
殘冬米盡置弗問寒燈一粟挑銀荷詩成自笑何所似
有似積潦無盤渦故人南歸興益索夜夢小閣臨琴河
絲絲春柳拂矯鬢娟娟秋月明纖羅俊游回首豈堪續
雙輪疾走逾明駝劉郎上考轉惆悵海樹羔裘空復吟
委蛇團團踏陳牛旋磨擾擾逐隊蜂投窠蕭齋無鄰獨
清曠容百債帥如余何願君急來共歲暮五窮自有神
茶呵

子辨子濤戲於庭前糝冰爲山並各有詩見示亦
成三絕句

雲外儼逢千尺雪壺中全削九華山怪君詩思清如許

積素閒庭鎮掩關

居然分手仿倪黃
複嶂層巒滿壻鄉
十萬八千修月戶
一時添着白霓裳

也知冷宦渾相似
尙有奇文可許同
欲與夏蟲通一語
了無心性耐炎風

送暉甥

彙昌

歸省

相依垂十稔
一旦忽言別
後會知匪遙
怪我語聲咽
我年及始衰
一孫甫結髮
從子讀五經
頗亦解盜竊
乃翁抱孤心
志行詎所悉
立身值微賤
麤復具本末
已蒙有道耻
敢忘君子疾
無窮身後情
付子吾願畢

昔我交而翁
負才氣恒放
時時荷良規
稍稍息衆謗
冰

清諒可愧父執詎當讓愛篤期益奢策厲或過當感子
意不違偕我趨所向今歸勤定省師資正無量努力成
修名盛年不再壯

陋儒多所疑石鼓屬宇文篆法久中絕殃及中書君天

授鄧夫子

完白山人

一掃千重雲誰從萬牛毛辨茲獨角麟

太史

舉文先生

迴清臚功與創始均憶子執筆初弱腕勝千

鈞爲我作屏幃觸目驚先秦勿畏行遠難但恐岐路分
持此屏俗學抗志希大醇

守歲燭

守歲歲不畱三更背人去燭奴最傷離終宵垂玉筍

壓歲錢

漫箸錢神論由來不買春河閒數錢女雙鬢亦如銀

迎財神

迎財神迎財神白羊赤鯉縱橫陳主人長跪奉一尊神
倘福我願作神功臣爲神造福遍九嫔財神聞言愀然
歎財尙未來先議散君不見書生不識神性情東鄰富
兒笑絕纓

醉司命

司命守官不飲酒夜夢酒星飛入口年年此夕奉一觴
今年司命歡未央詆蕩天門方召對司命趨朝未破醉
懷中薦牘臣無私臣伶臣籍臣所知

除日對雪懷舍姪

恩恩觸暑去咸秦此日依然作客身極望關河風雪影
天涯幾許未歸人

答劉泗州

珊

人日見寄之作

人日懷人例有詩江天雁影感差池閒庭未埽年前雪
病榻新添鬢上絲惜別始驚身是客積陰直恐月難期
梅花咫尺無消息鄉夢何因到柳枝

喜劉泗州至卽送入覲

春陰人病鎮愁絕今夜見君兼見月流輝滿天不可攀
招手瀉入胸懷閒我年十五知求友劣虎優龍無不有
故人何止升巍科半綰黃金印懸肘劉郎謫墮骨仍仙
官愛江南已十年一朝

天子作知已不待吹噓上九天我亦蒼生思借寇索居
無計銷長晝一栢瑤玉送班生淚痕未覺青衫透灤湖
水淺別愁深百感蒼茫付短吟爲我舊游尋夢影丁香
如雪柳成陰

再送劉泗州

君來日卓午君去月欲沈將行復還坐惜此分寸陰廿
年幕府狂書記偶得頭銜眞失計意外逢君一展眉知
我胸中鬱奇氣閒宵起舞聽雞聲朝食還飛一騎迎深
譚漫索旁人解盛譽先教長吏驚兩年禮意閒中數何
止能憐著書苦官貴仍容弟灌夫論才獨許兒文舉去
年別我安州行掛劒臺接分金城九原交誼差不愧祇

我索處難爲情今年送君朝

帝京春愁病緒方交并衆中握手語聲咽不若賦詩肝
膽傾男兒入世戀知己幾輩眞堪託生死清時無事可
許身誰識人間報恩子矧君重來未可知正恐君去來
無時手指圓靈誓終始天涯長汝照相思君不見車笠
之盟吾所耻耳餘豈足污青史

病起

一月春來不見舊捲簾誰道柳條新客能識字都畱坐
婦善持家未覺貧逝者如斯從過眼歸歟可待且安身
腳中有鬼吾無怨猶勝關山重繭人

及門徐徵士

漢蒼

以其六世祖侍御君遺研見示

爲賦此詩

孤兒學書磚作硯鬱林片石何曾見遺經都逐暮雲飛
故物惟餘一瓊賤徐生與我同孤貧干霄喬木摧爲薪
偏親何物作師俸十年典盡文房珍此研居然傳七世
曾侍南臺草封事誰言石曰不可耕甘雨時揮慙孫涕
我讀銘詞重慨慷書生結習最難忘複壁仍攜四賢象
蓋棺但囑泰書藏一硯區區眞敝帚製器偏期後人守
幾處華堂易主來木難火齊今何有旦晚公車赴特徵
諍臣廉吏好家聲願將一片端溪石長照慈闈夜課檠
種梅一株三年始作花俗名照水梅也詩以詠之
獨客展書坐佳人背面羞問花緣底事終日不擡頭

一樹垂垂發三年寂寂過息夫人病起可待盡雙螺
一笑不容人索半開猶滯春寒我亦閒愁難遣爲伊憑
遍闌杆

水邊疎影誰伴鏡裏朱顏自憐待到半規月上也應一
盼遙天

花朝雨

一庭風雨過花朝客裏情懷太寂寥對酒恨無蔬可剪
衝泥那更客難邀繁聲訴別憐鳩婦生小禁寒是柳條
盼得晚晴明月上添衣攬與坐深宵

詩成雨霽月色清絕喜作短歌

我詩有識果奇中叱月穿雲破雲夢疎簷一葉一月光

此時梅花吹暗香寒林無花復無葉潑墨灑遍庭西墻
春陰花事關裊裊一鏡全將百花照花神晏起天不曉
別以月夕償花晨添衣有約聽殘漏卻止官奴進醇酎
明朝試仿展重陽補祝花王千萬壽

刻初集竟戲題面葉

我無濟勝具集少游山詩交臂失三嶽

余三過泰安登岱未果後客洛

陽傳蓋平招游嵩山莊同州招遊華山俱以疾阻

追悔今已遲頃來客汝陰絕

境懷天池會當挾層雲一吐胸中奇浮闍顧余笑奢願
難堅持距我一日程來遊尙無時

題及門蔡徵士詩

我生愧多聞自命祇直諒詩文就商權求疵或過當雖

然遇賞心竟欲拜嘉貺撫几成微吟繞屋發高唱尋山
供臥游敘別代惆悵如蜜沁心脾如刀鐫肺腑轉輪復
爲人佳語未應忘蔡生拙修飾下筆頗類放心花忽怒
生顯晦不可狀口噴珍珠簾手削碧玉嶂我爲芟荆榛
庭院乍清曠芝蘭意欣欣快埽百重瘴生也不我嗔刻
骨感期望三年客汝陰局促意不暢默然儔人中說士
輒神王藉此盪羈愁遑計集羣謗惜哉迫徵車行謁羽
林仗我欲賦

帝京虛願不得償屬子其母辭

天門正詆蕩

開歲初得家書仲綰筆也喜而有作

春來離緒劇殘冬照眼紅箋墨瀋濃未免代伊思誤字
如聞呼壻爲題封塗雅已覺今年好歸雁纔看一度逢
莫笑我饒憐女癖封胡音信太疎慵久不得循應兄弟書

夢先太孺人及五姊枕上作

別姊垂卅年別母逾十載相將入我夢顏色固未改不
怨夢易醒但期母長在撫枕驗淚痕承歡信可待
兒欲從母去牽衣母不憐豈不識母心門戶孰仔肩雖
然更卅載兒復如母年去旣等逝水來亦同飛煙願姊
子職俱遲我雁影聯

哭錢三丈

季重

烏衣門巷乍經秋梁燕何曾解別愁向日自捫王猛蝨

衝泥都識晏嬰裘朝朝買醉逢人乞昔昔填詞倩婦收
料得綺疎橫屋角歸魂獨上水明樓

早起看杏花寒甚

一院寒花爭曙色雙棲倦鳥戀餘溫今年春草如秋草
人病天陰稱杜門

盧生

先駱

采蘭圖

十年風木恨讀盡一沾衿君有偏親在休成游子吟識
塗悲老馬反哺羨歸禽鑒我前車覆循陔惜寸陰

清明日遙拜先隴作

平隄春草綠傷此望遠心三年別邱墓樹色應已深昔
爲反哺鳥今作辭巢禽辭巢幸無苦同棲如故林吾親

獨長眠土氣圍陰森孫曾五六輩澆酒淚滿衿一子翻
遠游陟屺罷苦吟屈指歸骨期不怨白髮侵

報謝姜通守

廷燦餉鮓魚

一騎流星速雙魚出水鮮尊羹游客思錦字故人賤節
候蒲觴近歸程釣艇便兩家餘舊業煙水夢遙天

贈張秀才

丙

知有詩人來強臥不成寐凌晨聞攸關趨出把雙袂果
然眉宇閒秀聚蜀山翠夜來讀君詩寒檠發光怪七言
設長城百雉壓曹鄴尤工懷古篇全史恣澎湃我衰事
事慵說士意猶銳索詩如索米時方輯淝水蘭言錄徵諸君詩文求友
似求艾三年始識君喜極乃成嘅冷官何所營尙媿失

交臂

君前過訪未之奇也頃趙生彥倫以其詩來始爲歎絕

矧彼簿書緜甯免物

色昧奈何風檐中苛論責聾瞶明珠不能言一擲等草

芥行浮富春江慟哭方三拜君倘從我游幽憂疾應瘥

黃秀才

承谷

爲作冷宦閒情圖十二幀筆意清妙

時從張四

宜尊

學畫甫三月咄咄逼人有冰寒於

水之意詩以張之

屈指平梁詩弟子黃生最似六朝人近來畫筆尤無敵
持較詩才更絕倫驚爾速成知慧業老余作達寄閒身
不妨便有千秋想幅幅流傳逸事真

奉和儀徵宮保過合肥畱贈韻

早衰情緒戀卑官卻憶師恩意未安驥尾諸賢先百世

謂張編修惠言龍門故道隔千盤修成信史衣無縫前

李忠毅長庚充史館纂修作儒林傳采輯他書自名某某縣人以至終篇無一語自誤校定羣經義不刊

獨愧才名齊李白嘉慶初公著定香亭筆薛華長句少

人看

附宮保詩

廿載才名博此官省君清興甚相安著書絕勝芙蓉

鏡卻病無過苜蓿盤往日池亭如古蹟是日縱譚浙中舊游故

人詩卷喜新刊勞勞似我君休問試捋霜髭付與看

寄祝二

知交遍天下獨君處一方如何竟日程會面亦不常去

年君來時我病眠匡牀病愈還送君別緒逾徬徨君欲

招我去無人宿春糧我欲訪君行又乏一葦杭浮閣山
頭月娟娟如故鄉能將兩人影攝入一鏡光安知君齋
頭凍雨傾淋浪百里異顯晦人事矧可量我雖苦衰疾
奇氣猶縱橫鬱鬱久居此无咎占括囊我雖苦衰疾文
筆猶汪洋鬱鬱久居此相賞徒驪黃豈無山陰酒腐我
肺舁腸亦有霍山茶阻我夢羲皇我譚不敢高譚高驚
路旁我吟不欲苦吟苦肝腎傷兀兀一室中偃臥容頽
唐有客忽相訪自云字古狂衣冠旣奇偉鬢鬢亦清蒼
揖我邀我遊俊騎集鸞鳳蹴踏白雲背呼吸瑤草芳下
視何所見螳垤連蠡房不知塵海中君時何處藏曷不
假雙翼天風共翱翔我夢旣易覺我憂不可忘作詩聊

報君要約冀得償君山構茆屋蠡河營草堂興至一過
從曉月連斜陽我時攜仲容君亦偕士衡庶幾樂餘年
遣此兩鬢霜

夜起懷舍姪

時客
泉唐

夜起見殘月悄然秋意生微雲簾影近濃露草香清翻
自惜餘暑因之動別情遙憐湖上艇鄉夢趁潮平

牽牛花開連日早起

天上催粧近籬邊引蔓稠此花能戒旦有客最驚秋影
比瞿曇現心隨曉露收今朝如欲雨應許爲遲畱

聽雨寄舍姪

分明潑墨寫松杉斷葦殘荷半未芟一度新涼秋後雨

十年舊夢夜行帆漸看愁侶歸泉下

謂浣人次升、芙初、尚文、道南、小仲子

述吉常諸君

從此鄉思在枕函遲爾暫來餐苜蓿幾時生計

托長鑱

舍姪舉孝廉方正書來知引對有日先寄一詩

省書歡出涕亦匪爲科名舉錯

天聰近明修母教成由來榮里選於汝驗家聲服政未
云晚休驚白髮生

聰應蓄一白鷗漸馴感而有作

毛羽終嫌到眼明家禽小隊見孤行星星漁火盟原在
昔昔烏啼夢不驚浩蕩易消狂士氣煙波暫抑故鄉情
風高弦急秋江畔試聽寒沙落雁聲

九日攜鍾應聰應城樓登高

登城何所見稍覺碧天寬
雁影界雲直松風過水寒
憑高易生感斷飲不成歡
料得北原菊北原吾鄉種菊處繁花正

耐看

五雜組

五雜組大府興往復還臨交衢不得已捐路隅
五雜組綠綺囊往復還思故鄉不得已朱弦張
五雜組織女絲往復還秋風期不得已畱文辭

重九後一日示及門李趙四茂才

天昇浮生萬斛愁絕無風雨不勝秋
良宵寂寂醒殘夢佳約年年誤
白頭樓上頻頻量沈宋暗中容易索何劉

窮途老阮饒奇策

反用遺山句

淚漲春潮送遠游

寄劉大

開

何心煮酒共論才尺五寒雲壓檻來明鏡重窺仍絕豔
寶山一度又空回牛衣夜灑王章淚馬骨秋高郭隗臺
我是武夷君侍者年年聽曲不勝哀

及門李明經

汝琦

秋試不讎僕以詩慰之生答詩

有先生甯以科名重我輩全當骨肉看慚愧師恩
同罔極受時容易報時難之句讀之愴然復此代

簡

鳳羽龍文到眼明新詩脫口淚同傾敢勞陟岵思元禮

無分裁牋薦禰衡

年前舉生特科縣令謝君以年尚少抑之

似我前車真覆

轍有誰生馬試橫行爲君振觸平生恨說士酬恩總未成

三女病有起色

舉頭乍見有情天雲影山容特地妍阿母計窮初佞佛
山妻不信釋氏至侍兒恩重願分年舟行出險還如夢是爲持齋誦經

珠許重擎倍可憐準擬今宵眠貼席宜春遲爾擘瓊牋

喜三女倚枕小坐

兼旬愁絕聽吟呻今日方看面目眞爲汝已經三破膽
慰余直是再來人敢云勇善堪蒙福從此趨庭恕嚮晨

兒嘗以晏起受責

信道未堅宜自訟紛紛疑讖太無因

方病劇時雅鳴

鵲噪俱關憂喜

崇百藥齋續集第一

崇百藥齋續集第二

陽湖陸繼輅祁孫

香適集

癸未

春分日對雪戲成四韻

倚檻驚春鬢迎寒啟玉蘂柳枝方轉綠飛絮已因風蛛
網冰綃重桃鬟絳蠟融遙憐冶游客歸騎失青驄

雪霽見月

居然心跡證雙清雪月都來共一庭
寡過未能差寡欲
盛名難稱豈逃名書憐伏女鈔無誤詞付秦觀和易成
謂君孚子壽更喜小同初放膽十三文筆已縱橫

夢五姊

海山兜率昧前因知死空勞問至人地下卅年青鬢在
夢中一慟淚痕真生憎箸論題無鬼且願幽棲謝轉輪
遲我異時聯雁影不辭日聽豈申申

喜朱陳兩侍郎並以三品卿銜 予告

天昇歸帆一葉輕籌兵轉餉感平生老臣敢作抽身計
聖主能全去國名應有青山邀展齒依然翠羽飾冠纓
當時虛譽兼慚感幸未真煩倒屣迎

侍郎聘主關中書院講席皆以疾阻然知己之感未之敢忘

自題近詞

一卷新詞自校讎行閒似有淚光浮屈魂鮑鬼三更影
香爇燈殘萬古愁蕩氣正宜人薄醉孤心況值序逢秋

從他竟署屯田墓未必傷春再白頭

張秀才

丙

久不見過口占寄懷

不見張郎久相思遣最難書憐柔日輟

君尤善論史

客罷腐

儒餐樂府近何似柳花吹又殘牽舟如可住各有舊漁竿

祈晴

廬陽禱雨已三年今日祈晴事偶然歸騎恰迎朝日出
驚雷又起夜窗前半墻落色綠於黛一片瓦花黃接天
咫尺淩湖煙水闊那無鄉夢上吳船

戲柬蔣博士

蔣生貽我花一蓂其花一月一度紅是時君將返鄉國

戒我看花必相憶我生無好友爲命索居麤識花情性
稍恨此花俗亦賞似覺吾曹冷難稱兼旬苦雨天昏黑
爛卻官田十斛麥乘雨種花計亦得慎勿低顏愧殘客

答盧博士

澤

次來韻

漫向天涯感踏陳隔牆聽雨亦經旬小眠擽減三分壽
大患難拋七尺身蘿薜荒涼山有鬼琴樽淒寂巷無人
祇君鬪茗齊名早舌本餘甘味最真

不須空際惜優曇細數歡筵酒易酣殉死舊書千遍讀
救生本草十年諳蕭齋客至添新病卜肆人歸罷縱譚
見說君家仙枕在可容選夢到花南

廬州四五月間比屋瓦松作花黃色細碎香氣滿

城素所未見詩以詠之

適因楸樹惜幽香

庭前楸樹作花香極清遠
古無詠者惟杜詩一見

又捲蘆簾

見淺黃蕭寺雨聲餘碧瓦桑梯人影出東墻
幾家華屋成秋苑十里山城正夕陽
挑菜踏青都已過經旬爲汝感年芳

雷車

電光隱隱聽鳴騶雲影怱怱見水流
失筇何人驚小飲衝泥有客悔前遊
蔬盤新笋都傷別藥裏雙丸不療愁
除是芙蓉消息近橫塘疎雨又迎秋

秧馬

幾處歌聲聽插秧江村珍重值年穰
鞭絲一樣登程早

笠影無煩下騎忙地近蜀山思故相人來冀野感畱良
不須苦憶橫門道壯士歸耕鬢已霜

喜晤張博士

興鏞

次前換官無爲畱別太倉諸生

詩韻

老戀寒瓊罷遠游心期都負樂天裘不堪互指霜侵鬢

記得相逢屋打頭

庚申鄉試昇君同號舍是爲相識之始

懷舊已知身是

寄

謂古華蓮裳甘亭
芙蓉初味辛諸君

感恩猶有淚能流天涯一夕樽前

話四月涼風似晚秋

三閒老屋舊家風三泖隨君入夢中起舞漫驚衫袖短

投閒仍苦帽紗籠

廬州迎候紛繁君在太倉恒終月不著公服

解嘲翟第卿

慚長

夫人以君官學博例不兼福文章子勝翁

謂舍人祥河

他日蒲輪徵耄學莫瞋雛鶴頂先紅

張博士有詩見酬再次前韻

芍藥丁香感舊游能知往事有征裘誤君最是歐陽耳
責我空煩子羽頭十卷可能傳沒世一官剛許附清流
前明教官未入流
我朝始升八品
時得小宛見懷詩有蓮
花寺裏舊論文之句

十丈狂塵一簑風孤吟好是雨聲中溫公待客無茶具
杜老隨身有藥籠索笑戲邀梅作婦信天猶愧鳥稱翁
羨他罨畫溪頭客學侯方選
荆溪訓導黃雀披緇早稻紅

送蔣博士三疊前韻

經年未作蜀岡游出餞仍教惜敝裘

時在病中未
能沽酒爲別蔣徑

重來餘燕壘華公一去失龍頭別懷豈止雲千疊今年秋

侍郎移鎮閩疆初亭海樹兩太守又先後改郡懷甯屬故里方驚水亂流有蛟患何日

皖公山絕頂盪胸同攬大江秋

尚書愛士感餘風辛苦尋芳白葦中注易虞翻屯骨相

謂杏江明經工詩李益困樊籠潤之秀才都應有淚揮知己行見

裁紉畫放翁我亦傷離腰帶減羞將秋鬢插春紅君臨行時

有腰帶盆花之贈

張博士將返臨湖續話昔蹤四疊前韻

浮閣咫尺阻清游笑我真披五月裘時肝疾久未愈詩格類唐

多注腳酒懷消減強扶頭友當客路難為別書比官堦

或入流君以東洋繭紙索書君挈霜螯臨湖多蟹吾詩菊一樽準擬餞

殘秋

君九月當復來此

雙牋飄墮不因風

甲戌會試昇君同房被落

沈謝空煩索暗中三月

愁生青玉案十年塵泥碧紗籠平津客舍餘荒草綠野園丁有秃翁疎雨新荷殘夢覺輕衾小簾一燈紅

自客廬州友人尺素又積數百函暇日手自檢束付聰應藏之并示以詩

冷宦頻年無長物故人萬里有音書莫嫌他日歸裘累看取黃庭出世初縱筆何人逞辨才麗辭幾輩費精裁付伊幅幅從頭看一紙無煩避客開

聖世曾無朋黨禁知交多半箸書成他時作誌徵先友

一一人閒有姓名

夏日曬書畫示聰應

未賣園亭先賣書烏衣馬糞鎮愁余吾家世物寒林在

不是先人宦橐餘

恭城公課蔣少司空櫺成進士文格以李營邱寒林圖爲贈

自題冷宦閒情畫冊

參同仙客此燒丹可惜丹成去不還仙犬翻知前輩在

踏雲來往八公山

四頂看雲

淝水雙流照眼明夕陽恨少一竿橫此中魚有沈冥意

久讓包公鯽擅名

雙流晚釣

品水中冷憶往年惠山一掬玉同妍擬招好勝溫忠武

來試人間第七泉

浮槎調水

畱取煙波盪客愁
鳬翁雁弟共迎秋
如何楚尾吳頭畫

偏著天隨五瀉舟

澤湖泛秋

東漢辭章半未安
諧聲端藉說文傳
何當別定

熙朝本敕取書仙
吳彩鸞

羣經審韻

劉郎

海樹

三十早驚秋
垂柳垂楊寫暮愁
此日更深搖

落感經旬不上水
西樓

衰柳填詞

迢迢春水石塘灣
塘上人家晝掩關
玉樹一株

黃生承谷花

四面尊前忘看隔
湖山

石塘訪友

天教珍偶慰流離
夫壻雄姿一代稀
唾手封侯無別苦

江東烏鵲亦雙棲

安豐題墓

夏園蕉葉徐園竹
颯颯都宜疎雨來
好在不驚秋夜夢

勝他庭院自家栽賞雨攜尊

春寒惜別陳驚座秋麓一丈歲暮傷離薛醉歌畫水六兄絕世憐

才兩司馬青衫熱淚賺人多衡寒送別

陳王達識更無倫後世誰知子定文惜我已遭人倦臥

又將古調誤諸君學舍定文

若昭若憲鎮齊肩嫁壻依然倚母憐一事差堪誇謝傅

柳花句好不成篇雪庭聯句

聞洪四胙孫稚存先生子補學官弟子并寄洪三符孫都

下

我交元方孟慈年十七駭綠紛紅兩枝筆洪陸同音當時里中語

阿翁呼我作獺兒譽我才敵孫郎淵如糧儲奇吾鄉文儒甲

天下八十詞源尙如瀉

謂莊勉餘程

莊中允楊荔浦劉

占亭趙

味辛

鬢鬢髭飲中僅比崔宗之我參末座氣疎

放不及元方工揖讓明年阿翁入翰林從此離愁寄天

上浮生夢影回首死別生還無不有中間珍重對門

居互聽吟聲十年久王孫巷接綠暉橋拂盡河隄柳百

條咸籍齊年將及壯

舍姪

紀羣圍坐不分曹千里生徒

方請業幾家子弟又論交公瑾

伯恬

朝華摘六代江都

晉卿

夜夢嚼三爻阿三十五尤頑劣賭跳纔歸語聲吃

喚來函丈罰題詩題難韻險蠻牋闊一揮飛步揭簾櫳

賜橘雙雙出袖紅阿母破顏諸姊羨此時君正在懷中

尊君作達豪逾昔六十能揮典韋戟天山雪向鬢邊銷

早海塵看冠上積正月春暄放杏花長筵餞我上京華

卷施水閣簾初卷斜月西堂月欲斜續罷城東酒人曲

戊辰入都尊君作後城東酒人行爲贈微窺頗怪眉痕蹙一步空悲訣別

遲己巳五月十三日抵里先生尙未小敘重逢竟阻人天躅憶昔持衡到

鬼方奇才櫟學費評量先生黔中懷人詩奇才櫟學我兼師謂繼輅及臧君在東也

拜經人已傳千古在東歿後已入儒林傳補雅書誰錄寸長兼旬

慟哭思知己提月麻衣旋被體巷北哀號徹巷南鳥語

全沈草心死難兄除服宰夷陵出手先傳治獄平匝歲

攜家消薄祿一篇循吏補家聲閒庭落葉紛難掃俯喬

仰梓連年槁阿四無田識字多阿三賣賦辭鄉早燕子

分明見盛衰園丁都解傷懷抱喬公小女亦流離君娶於錢

爲山妻從妹師俸先煩典嫁衣報我初桃天路近如君傳研

世家稀喜心倒極翻揮淚懷舊詩成鐙影碎可記於菟

駢語工

君六七歲時嘗以子母牛對叔孫豹

從施行馬郎君貴堆盤盧橘

閒楊梅競渡江鄉別幾回夢向宮牆觀釋菜欄衫一色

顧塘來

夏月畏風特甚書此示客

披帷人宛在當暑不禁風藉可畱香久差難昇客同背
鐙移顧兔叩紙謝驚蟲夢豈隨飛絮游真悔轉蓬敢移
吾榻遠尙覺畫屏空多愧陳畱阮重垣一望通

寄莊表兄

虞選

七十衰翁志行殊年來貧病更何如盜泉一勺無勞寄

淚灑先生誠子書間君年來境益困屬以家書見屬急欲一知近狀未及轉寄遽啟函封展

讀未終不覺五體投地

黃壚感舊詩四十首 并序

余所習里中酒人自先君執友爲一輩通家子姪暨從游諸君爲一輩繼輅以少故又別爲一輩然下世者亦十五六矣暇日根觸往事隨筆成詩目曰黃壚感舊并

寄錢三丈夢雲趙四丈球玉左侍郎輔段司訓達和

南華先徵君師昔賦酒人篇說到生離便黯然豈料而今多

死別霜華雲影十三年

八十詩翁心不盲程霖巖六丈莊樂間咎氏兩目失明時號二盲詩翁長篇多半

酒邊成兩家公子都能飲可惜曾無家釀傾

不飲偏能愛酒狂舍南竹屋夜傳觴風箏天半銀花合

見我先誇目十行

吾鄉好紙寫燈火之戲蔣丈蓉菴侍御尤喜爲之每召觀先母必以背誦

日課爲度到常稍後

茂林修竹小蘭亭

外舅荔浦君齋名

濃綠陰陰上畫屏聽得隔

屏看衛玠狂奴也覺酒柝停

偷向橋南醉玉鉤詩中情事說從頭先生但賞詩篇好

不問何因到酒樓

借莊叔枚洪孟慈讀書小山堂頗私出買醉醉後忘之往往作詩自述徵

君不之詰也

聯吟最苦逢奇句射覆兼愁考僻書屈指小山堂上飲

何曾一度得安舒

小山堂樂閒答氏所居徵君師設塾於此文譙特盛

酒狂第一莊宮允

亭叔表兄

早向安昌罵座來辛苦拏經三

十載偏憎人說箸書才

宰相豪情于定國

錢塘費文恪時督兩江

經師痛飲鄭康成

徵君師

只除趙式能教醉定例枯脣酒面平

緘齋六丈謠客酒必滿觴時號趙式

酒政精嚴蔣潁州清和一語竟無儔

立菴六丈偶舉首夏二字下注兩古

人名伯夷柳下惠同座仿爲之皆不能工

卽今三徑餘荒草不是池塘夢裏

秋

八丈玉子通守亦嗜酒好客

拓戟橫刀徐戶部焚香洗研李明經揮殘醉墨三千幅

一客分貽十二屏

楊菴鹿野俱好作草書

舍人風格最蕭森一尺長髯拂素琴丞相祠堂百竿竹

劉直亭舍人貧無住宅權居先公祠屋署曰平安吟舫

秋蟬都解學狂吟

舍人喜聽余劇

吟酒間必舉以爲令

平陽太守醴陵宰撞破煙樓作酒人先兵備兄飲酒不

並推此日迎春橋畔路春陰秋雨最傷神

東洪雅存西趙司馬競攀畱兩日河干艤客舟我亦主

人隨作客不煩寒夜典征裘

長筵第一卷施閣盛饌無如寶讓堂今日令嚴瞋不得

雙攏翠袖坐厨娘吳次升家庖最精小不合意卽怒終

違者大醕

管絃只在此庭中各有門基事不同絕倒憐花狂司馬

一身遮雨又遮風吾鄉世家例無妓席唯莊同州譙客

高會遂無虛日

洪厓作健氣如雷中隱荒園醉百回吾家中隱園久不修葺絕無游人唯

雜存先生
頻借宴客忽見鷺鷥溪畔立學拳一足過橋來

正喜藏花窘老將

卷施閣藏花余嘗連揭劉鎮軍炬七全盤鎮軍飲本不多求代幾徧

又欣射策中巍科是誰襲取亾秦法偶語無端受罰多

百遍燈毬打不休酒人好勝似尋讎樽前趙瑟還秦缶

明日看花又共游

雜存味辛兩丈

傷逝年年賦不成土埋玉樹恨難平惟應武負同王媪

一一猶能記姓名

謂謝庭蘭徐馥岑丁汲華吳吉常通九諸君皆小山堂弟子

輕詆何曾到善人次公奇氣自干雲者番匿笑崔元亮

袖手看他悔過文

叔枚酒狂太甚禮卿以告濟南郡夫人罰作飲酒悔過文

羅敷問罷問清娛會否人言夫婿殊

憚子居鬚眉自喜當時酒間戲語如

此此日九華山絕頂果然仙骨稱樓居

及時自言爲九華山神

多病頻年不滿觴醉來一語斷人腸劉郎別有三生恨

曉月傷心又夕陽

芙初

醉中灑墨不須催花裏文窗四面開百疊單綃雙翠袖

一時都向乞書來

錢魯思大兄

如君真覺醉鄉寬已醉何須更早餐牛酒驚傳杜陵死

不妨仍作小眠看

錢橫山三丈

一官蕉萃到中州長笛聲中罷倚樓說昇故人知斷飲

依然病緒似前秋

子述

藉甚狂名孫討逆相逢雙鬢已如絲歸來一度三旬醉

寒食年年上塚時

淵如先生寓居白門每以掃墓歸畱飲匝月

買醉連宵不待邀通吳門外酒旗飄無情最是西來客

依舊鐘魚動海潮

張存朴黃璞山住東門外天甯寺左側

楊子詩成二千字

雲山

莊生酒覆三百栢

經饒

他日誌

餘徵逸事樽前記取兩雄才

邠州

莊虛菴表兄

歸已歡場少不及容齋解組初更憶寓公

消息斷舞陽豪興近何如

樊鎮軍雄楚客常最久

平生不識管修父

謂韞山侍御

文度論交及十春

道明

計日

蠡河看競渡清波畫舫定何人

予告歸來愴夕曛侍郎元足張吾軍偏教老葛移家去

不及鄉園共酒樽

劉青垣先生亦無第宅病歿吳門陪侍游宴則在都門時也

三絕人傳比鄭虔登科空記永和年

先教論兄癸丑進士

驕兒已

得卿狂誤未願孫枝又放顛

兄子伯才嗜酒得疾馴致不起

百驛書緣戒飲馳卅年未見醉如泥湯雲村弱冠時最稱大戶尊甫存方

方伯自滇中馳書為傷心玉樹枝枝好不及差肩奉一

卮君歿後子叔卿弟之子淳甫德卿先後舉京兆

一燈如豆照

宸章崇雅蘭陔兩畫堂錢氏東西兩宅並在青果巷東宅曰崇雅堂仁廟御書西

宅曰蘭陔眉壽堂純廟御書那得羊曇不揮淚十年曾此醉千場外先

舅舞陽君在時尚有文酒之會

春光只覺此園偏錢竹初三丈別居半園泉石尤勝研匣香篝事事妍

啜茗坐看人痛飲主人疑佛客疑仙

荆川先生讀書處一樹紫藤開上天更有宋朝前輩在

皂莢高十餘丈藤花附其上相傳襄文外孫孫文介手植劉退谷給諫宅中藤花則蘇文忠所植也慣看

人啟落成筵

給諫諸子四人三爲收令然宅已易主矣

龍鍾半體錢霞叔矍鑠趨

朝左杏莊

時有旨內召

聽我挑

鐙譚往事都應有淚一霑裳

錦囊零落奚奴老華屋遷移燕子驚除乞西鄰段成式

詩成爲我註分明

雲溪樓閣八窗扃天水蒼茫實酒星

時甫得味辛先生之赴

聚散

死生都閱遍天畱一老守元亭

趙四丈味辛先生難弟也家居最久

百身莫贖秦淮海一字無題張玉田九月涼風三月雨

鬢絲禪榻又經年

黃壚續感

并序

前作黃壚感舊詩麤述里中讌集客游日久情多地遐

殆難追憶續成十六首藉以紓平生師友之慟

滬城煙月最消魂半似蘇臺半白門揮手騎鯨人去早

味莊兵備至今海水接天渾

未妨兼愛憐鶯燕亦有閒情賦勺蘭家世月輪天上住

不教人向鏡中看悼穀人先生也前二語兼指缺舟上人春渚徵士

經畬堂接靜輝堂並荆溪儲氏宅華屋重經愴夕陽好句值教

天子羨燕泥如雨落空梁

司馬無官樂有餘斷橋西畔十年居明朝上塚須雞黍

杏莊尊人墓在葛嶺華秋槎郡丞歲爲設祭小飲先裁速客書

泰孃橋畔草初齊短簿祠前水拍隄最是小舟團坐好

鬢絲花朵向人低徐南浦丈當時語

吳門三月鶯花夢蜀道如天去住心解入愁腸添別淚

桃花潭淺酒杯深

悼汪絳人別駕

中圭譎諫劉伶婦小語微商羅隱名

樂蓮裳初名宮譜後易名鈞己而又

欲易名醇君配瑤仙夫人笑曰使君多詞客生天仍半

醉手攀明月上瑤京

君嗜酒致疾以丙子中秋夕歿於邗上

轟飲先期閏六更曉驚殘月見飛觥少陵酒罷無歸處

踏遍新城更舊城

胡西廣尚書招飲每至夜半一夕偕董晉卿歸題衿館署外巷門已閉叩

安定書院亦無應者最後詣張古餘太守得入病酒憊甚僵臥六一堂竟日

漫將苛政困循良小集頻頻舉滿觴

伊墨卿太守觴政頗拙往往受罰

今日四賢祠畔過

揚州向有三賢祠祀歐蘇兩文忠及本朝王文簡今郡人增祀墨卿改

署四賢祠恨無杯酒酹斜陽

詩盒選客精嚴甚揭曉方知大將非伍堯時帆學士決科宴客與耆十五

人勝發皆下第洪孟慈目爲生祭青峭一峯無恙在十年清淚漬落衣

先生歿後公子舍人桂馨旋卒當時故物獨石筍碩然猶在門內

記得坊名小外廊楊蓉裳丈邸寓何劉沈謝夜傳觴才偏似鬼

李長吉金朗甫庶常憂竟傷人盛孝章周劭雲主簿

十行遺墨憐才過謂戊辰試卷獨客華筵歸思遲孫蘭村師召飲常無

他一事負公償不得寢門慟哭更何時甲戌入都謁先生保定已值彌

客留之際同伴促迫不及訣而行

潑天濃翠壓征裘一闌全將嶽色收泰安署中有堂北向正對泰山卻

憶馬纓花下飲慣看殘月下鐘樓完顏曙昇太守舊宅在鼓樓東街合歡作

花特盛花下小齋余及潔土于不申耆孟慈會容保緒醉眠處也

真州亦是銷金窟楊柳櫻桃列作屏為問撫棺誰一慟

朝雲已葬六如亭黃仲荀大令歿後家無一人僅戚獲數輩護喪歸貴陽

一事酬君詩一章東都舊夢最難忘蠻雲極望如天遠

便是生離也斷腸陳光雲協鎮馬平人

高歌痛飲氣何麤座上奇才半酒徒謝蘇潭秦小峴兩侍郎前官浙中並

折節待士宋茗香助教袁陶軒徵士醉後尤顛放無部民禮今日一官堪絕倒漫將

故態憶狂奴

懷高太平澤履

依然牛渚青天月得共詩仙挂席無百里春江通別淚

一年病婦仰慈姑中厨預戒行觴早公以余不能晚食宴客輒在午前

上藥頻煩傾籠輪病中屢餉人葠公去我畱何所戀漸營鄉夢

到莼鱸

孫侍耶

爾準

移鎮閩疆別後卻寄

同巢真見鳳雙飛

時徐侍郎類亦以視學來此

節帥兼披一品衣孟

博公儀聊復爾魯連玉貌訝全非三春花事懷鄉縣半

世萍蹤戀

帝畿多少舊言譚未竟海天帆影又依稀

書來多感別情深故部經年鎮望靄就熟共欽

天子哲分攜方識故人心山公啟事拳拳記張籍詩篇

昔昔吟此去手操揚激柄風聲先表舊棠陰

先君子官閩中四縣

歷有惠政事實略具甯化進士吳君賢洲所撰循吏傳

仿同谷七歌

集
三
三千年桃實如斗不若園蔬適我口三千匹絹裁一禪
不若晏嬰之裘襦稱身出門結客三十載少日論交幾
人在嗚呼一歌兮離緒長我所思兮在故鄉

故鄉住少他鄉多饑來驅人柰爾何十年游秦歸不得
正喜得歸還作客當時期爾黑頭公此日重逢頭已白
嗚呼二歌兮聲漸悲君山欲化秋雲飛

白髮青衫老司馬十年索米燕臺下鳳池散直還到家
破屋何如萬閒厦滂母鸞妻一世稀通介差我窺其微
嗚呼三歌兮白日迅故吏紛紛作方鎮

金壇于六寒凌兢前年作令今作丞作令何如作丞樂
稍恨一舟仍未泊此曹豈容十日臥徒手聊爲萬金博

嗚呼四歌兮歌莫哀一擲得雉心顏開

有客有客字文起其人其文俱足式頽靡太邱知爾雖
不深甫欲薦賢身已死昨者宣州一書至騎驢到官三
日矣嗚呼五歌兮淚滿衿此客此官摧我心

孫郎罷官還復官去冬別我趨長安一裘新製特相慰
道此足禦中途寒

聖恩已許還舊治十旬不至心憂煩嗚呼六歌兮歌復
泣羨爾有親年九十

我來平梁倏忽四易歲閉戶聊師伯夷隘從前愛客今
畏客笑我一身兼二蔡耽詩又復惜肝腎藉口雕鏤損
天籟嗚呼七歌兮意未終庭前已有鳴秋蟲

續集二
題悔存齋詩

六月飛霜玉樹傾江鄉此恨最難平一篇傳了文人願

時史館列君文苑傳

八品銜題處士塋可許隨肩徐趙呂儘容揮

手宋元明佳兒別有千秋業痛惜擘經半未成

君子乙生研精

三禮又好步引芝菌天玉青囊之說著書未成而歿

題伴香閣詩

邗江重見支離叟社酒空煩舉一卮早以聰明還造物
略畱姓氏在遺詩修文才恐生天盡學佛人偏出世遲
春又不來霜未降幽蘭開謝有誰知

讀漢書

標榜文人習攀援宦路多羣兒能自貴不必莽何羅

憑何世澤張魯媿負家聲孔光餘慶餘殃安在有人蔭
冷西方

衆好頗疑黃叔度滿村自說蔡中郎千秋毀譽都關命
枉費蘭臺字數行

病起懷陳大

方海

次春初見寄詩韻

祁寒暑雨客思歸獨立蒼茫天四圍出世未空身後想
知君豈待貴來稀兩番別淚猶沾袖幾日閒庭又曝衣
惆悵疎林多病葉不曾秋至已分飛

附陳詩

蜀山攜手悵忘歸多病年來減帶圍淺草侵堦官獨
冷凝塵滿座客來稀一門鄒魯堪名世萬古雷陳在

布衣起脫綈裘親被我巢湖風雪蔽天飛

聞薛廬州將至

杜門漫說閒官好
習惰翻教小病多
慚愧先生三月別
知新溫故兩蹉跎

王衛輝

蘇

試峻堂詩題後并寄季學錄

芝昌

君歸自武昌我歸自雒陽
長生巷口初握手我已龍鍾
三十九君年雖艾氣轉豪
物色蘭茝窮藜蒿吹香閣外
梅千樹是我并君劇譚處
十年蜚語謗循良一夕清輝
掃煙霧霜風蕭蕭吹紫荆
急衰過我當北征太守趨
朝何所苦摧傷似作投荒行
壓柘得漿寒沁骨索飲恩
恩起將別一口紅霞唾不收
還坐看君語聲咽龍尾何

妨欠一人蟬編偏使題雙絕君於拙詩有才情雙絕之譽短短交期

夕照橫依依夢影春波闊賸有江郎十卷詩浮生蹤跡

有人知樽前錢鳳空讒口市上張成竟暴屍書生似此

差無負稍恨懸崖輕撒手

聖主知人邁漢唐諸公特擢君知否疎雨枯荷就枕難

卷中膏舊漸凋殘謂船山惕甫諸君聊將傷逝平原賦寄弄羊

曇掩淚看

養疴

敢說心情嬾是真養疴容我寄閒身謂郡守宋小嵐先生避風小

閣先燒燭久雨中厨易斷薪阿買寫詩愁腕脫官奴攬

鏡熨眉顰君孚久病初起叮嚀且自畱餘暑未願迎涼便送人

時蔡君昌齡換官武昌將以秋後上道

觸事有感

東鄰婦殉夫十日不食肝腸枯西鄰父溺女一口寒泉
孀哺汝悲哉女子身苦惱有如此佛乘此時三歎起轉
輪之王佛弟子男身女身惟所使汝欲皈依及未死東
流之水安可止

月季花歎

我來平梁四易歲五見烈婦死殉夫

何本善妻董沈英妻張孫極熙妻余

王廣煦妻宋洪時康妻黃

殺身無過絕粒酷火灼肺附焦肌膚貞風

所感草木應移根坐使名花枯我聞花前身一一皆仙
妹賜蘭燕姑貴倚桂長娥孤灑竹成斑淚不滅指花爲

姓梅同臞條桑例設馬頭祀誰其妃者秦羅敷桃花無
言實再熟海棠薄醉嬌難扶東皇手定九品格上界頗
弄人閒殊就中月季逞頑豔名列下下無能踰炎風朔
雪恣嬌飾自命豈欲祥冀如妬妾專房擅恩寵失勢一
退他人狙東西食宿爾何擇牛女信誓甯非迂閒庭移
植亦偶爾詎比太史攜清娛何圖發憤著奇節棄擲恒
榦波漂蕪驚春肯學隄畔柳惜別竟墮樓前珠此邦正
氣萃圭闕成仁往往能捐軀擬爲作傳續中壘濡毫欲
下重嗟吁上帝好生人命重敢復義激兼名驅朝來感
爾意慘愴似代毅魄徵前逋論婚何必托王謝結友慎
勿輕屠沽從來相士戒貌取媿我耳食徒區區靈風肅

續集二
肅庭西隅花魂一縷歸來乎蘭芝墓道松柏古送汝引
蔓凌雲俱

避風遣悶

後劇必甚前劇後差不及前差除卻吳興瘦沈十年病
緒誰知

不及立秋三日已聞蟲語黃昏最好蕭蕭絡緯分明歸
住江村

無寐最宜聽雨閒庭添種芭蕉記得扁舟睡起推篷水
沒前橋

鸚鵡一名雪慧芙蓉小字天然極望霜華世界幾多花
鳥因緣

六領郡符司馬運租船上歸程宛似當年下第聽風聽

水心情

畫水再以上計入都展觀後附漕舟南下

三匝依然繞樹十旬猶未啟關爲我典衣買藥此情便

抵還丹

單三元藻購者未見寄

題吳孝廉

鴻暮

春隄試馬圖

吳生才如渥洼馬伏櫪十年知者寡興來別我游燕臺
春卿白日驅龍媒忽聞方外憐神駿別向招提訪支遯
此時芳草碧連天馬是青驄人綠鬚未須聳耳聽鳴笳
幸免飛書烙官印我來讀畫意蹉跎卻望橫門柰遠何
底用黃金求死骨一犁春雨驥材多

七月初十夜大風拔木余所居室正壓其下前窗

及東西墻一時並倒不及臥榻者二尺耳全家驚
起相顧咨齎失色而聰應所籠絡緯長鳴達曉不
覺喟然有哀楚詩人之歎

落墻東倒又西傾盡室凌兢有歎聲
羨絕秋蟲閒未覺依然繇響到天明

悼柳并寄劉潁州

珊

半夜輕舟逐怒潮推簾全失短長條
再來冷月棲何處欲報春鶯路太遙
多病心情開閣易早衰鬢影望秋凋
經風經雨年年事打疊離魂一度銷

檣散相期老薜蘿憐君無夢到靈和
灞橋幸免行人折栗里惟應酒客過
豈有官腰矜束素何曾殿腳學雙蛾

不知底事還遭忌芳草當門例太苛

依舊雲山畫晚晴聞庭一步愴重行倚欄苦憶張思曼
比屋空懷陸叔明往事傷心成短劫孤根澆淚想同生
愁來卻諉桓司馬猶許攀條慰別情

漫傳詞筆動江關一賦先將枯樹刪無分作琴畱爨下
更誰閉戶報春還塵心多恨思甘露佛偈如銘葬小蠻
珍重平安數竿竹莫霑愁雨又成斑

中秋夕遣悶

秋來惟有月不減故鄉明復此聽愁雨何因遣客情蟾
蜍長匿影絡緯亦吞聲早稻行將穫心祈十日晴
望遠堪愁絕蒼茫水拍天隔城人喚渡攀樹鳥棲肩福

地叨安宅

廬州五屬惟合肥水不成災

閒官愧俸錢夜來茆屋破差

昇共顛連

答鷹巢

并序

上人書來見稱爲天下有心人讀之慨然此傳長虞所謂非復文辭可了余雖心知之而無如何者也直戲以答其意云爾

幾輩朱顏能自保苦畱青眼向誰真我今久已皈依佛平等看他世上人

子辨逾約不至詩以遲之

中秋望不至忽又展重陽風日已晴好江湖尙渺茫

八百里半爲圩田雨後悉還其舊

半年疎故業三地感殊鄉

時尊甫徵君客淮賢

兄子穰孝 廉客歛 急趁霜螯賤歡然勸一觴

得子辨書并示君淑

書至呼徐淑秦嘉未束裝嗟予少骨肉憐汝儂津梁別
自年年惜頭看日日蒼歸心如莫挽

書中有來年與君淑同歸之語作

計共還鄉

獨立

研經漸覺精思減讀史難消恨事多卻向小庭成獨立
碧雲黃葉奈愁何

杏花春雨圖

戴春塘先生種杏署齋春來花發爲此圖

使君樹木如樹人春華秋實惟其眞使君愛花如愛土
此杏居然自隗始煙濛濛雨冥冥朱霞三尺飄春庭春

庭無絲亦無竹絳帷雙啟聞譚經君不見梅公桃晏公
柳葉對花當在人口玉堂天上慰相思春向濠梁作意
遲更祝公門好桃李歲寒都作後凋枝

喜楊大

傳榮

歸里次見寄韻

望中鄉樹感無端到此方平宦海瀾送別早知循吏拙
得歸難報

國恩寬

君平谷容城虧項並蒙恩赦免

日高罷聽應官鼓秋好休陳

乞巧盤記得相逢驚夙慧登科尙未著儒冠

八輩西清侍從臣

君家自殿撰君以下官翰詹者八人隨風偏爾墮輕塵

尙餘矮屋曾攜硯譬作寒閨未嫁人賦草看兒搜僻字

謂子

賞花邀母讌芳辰較量出處君應笑鰲曰從今不

受辛

戲答張大令二十五韻

張君四十未有子我昔憂君逾在已推排紫白易閨闥
老蚌珠光燭天起箸雍之歲斗西指同住都門聖公邸
家書南來呼我看懸弧在門匝月矣朋儕賀君兼詫我
我術何神乃其理君家世德久未酬樂道安貧越五紀
聖清經學邁漢宋天毓貞儒慎所使謂賢兄微言大義
悉昌明帝旁無人子淵死憐君子子因公車健筆摩空
亦徒爾君甲戌試卷章中堂注健筆摩空包婦一切八字然竟下弟行年六十方專
城一道之才試百里足知餘慶積彌厚兒生應期磨角
峙五歲已識三千字倍我新詞粲玉齒卽今十六如我

長私篋有詩連百紙雙瞳翦水眉紺碧其貌與君酷相
似君閒弄兒復念友怪我清齋太自喜雖無童烏可授
元幸有小同能習禮君聞我語不謂然此事於君未應
止昨從東郡寄一方香草紛披雜蘭芷當時服者陳中
丞三索得男猶未已我經滄海類元九那有清娛侍遷
史故人薛華畫水送一婢苒汲晨春健無比恰逢老沈
事亦奇字以求思吾且俟循良孝節天所佑此理固應
長可恃君家仙人手挾彈天狗驅除祓牀第明年此日
呱呱啼稽首醫王自隗始

漕河禱冰詩六十韻爲長沙侍郎作

地祇重河嶽天神尊日星元公定官禮較然別幽明自

以人鬼參始皆有主名雖然道家言儒者亦勿爭伍相
實司潮呼吸驅鯤鯨左車實司電擊撞挾風霆緬懷周
秦始二者誰所憑從知玉虛籍祿秩日以增亦自有黜
陟亦自有勸懲苟非論功德何以任使令露筋古貞女
守禮何兢兢鴻毛委恒翰毅魄登天庭眞宰爲改容位
置未可輕苦分男女相詎肯皈三乘謂當隸金母步虛
薄飛瓊元池亦無壻青溪亦無兄咨爾孤潔性合領長
淮清荒祠久寂寞落垣半欹傾甬無守土吏來往空揚
舲吾師昔轉漕繡衣辭 帝京道旁讀殘碑懷古生遙
情激揚諫臣責此廢吾當興北風忽怒號水凍如堅城
濃陰鎮黷黷肅氣逾峻嶒三日坐愁歎望斷欸乃聲民

食厪 宵旰官俸資豐盈糧舟集畿輔輸挽有定程敬
焚一瓣香乞放十日晴上恃

天子聖懷柔役羣靈下恃感應理忠信洪濤平愼母作
神羞諒此蘋藻誠通辭未及竟鈴語空中麇稍見雲氣
展稍見夕照橫凌晨啟窗看一碧春波澄篙師各歡呼
萬艘張帆行此時使者心喜極翻成驚飛章達九重
待 命猶屏營

天子大欣慰茲神抱清冰弱女知爲國報功禮則應迺
命葺祠宇迺命議徽稱迺命易栗主迺命題丹楹煌煌
明詔下 恩澤逮杳冥祠前白蓮花灼灼含晶瑩祠後
山木枝枝茁菁英我時艤舳艫長揖奠綠醺卽事悟

顯晦乘時發光榮方神赴義初祇全女德貞曷嘗冀奕
世長饗黍稷馨幽輝鬱彌耀快拓千年肩非徒厲中圭
峻節知儀型足使天下士慷慨占吉征師今膺節鉞睽
舌爲股肱羣力仰驅策衆才待權衡神人感知已曷判
氣與形秦郵達皖江咫尺馳雲輶惟神鑒忠悃定不分
畦町豈惟頌多男豈惟祝修齡爲公節暘雨南晦勤深
耕爲公消疵癘春酒介兕觥報國以報公我言神所
聽

憂端

憂端如草那堪刪轉是身閒意未閒故里年荒慚宿負
兒曹齒長感慈顏

君淑病後瘦減甚似先太孺人殉夫烈婦瘡痕在從孫

君和官直隸奉檄查災誤將母孤童病骨孱謂洪公更

傳落水其婦楊自劉幾死將母孤童病骨孱子穀會

憶門前牽犬婢時從孫君澤羨人日草賣珠還

除日祀賈浪仙因邀諸生祭詩

雪未全消歲已終樽前光氣亂青紅閒情慮損陶元亮

趙生謏士近陪祭兼呼鄭小同聽應亦有詩聊借雪泥

多豔體詩畱指爪各將才地驗窮通詩人作佛仍游戲爲我年年

酒一中